



**Sud Bosne i Hercegovine**  
**Суд Босне и Херцеговине**

---

**Broj: S1 3 Iž 043844 22 Iž**  
**Sarajevo, 07.09.2022.godine**

Sud Bosne i Hercegovine u Sarajevu, u apelacionom vijeću sastavljenom od sudija Dinke Bešlagić Čovrk, kao predsjednika vijeća, Mirsade Džindo i Vesne Trifunović kao članova vijeća, odlučujući o žalbi žalitelja Sadika Bešića iz K., ..., izjavljenoj protiv odluke Centralne izborne komisije Bosne i Hercegovine, broj: 06-1-07-1-608-3/22 od 04.08.2022. godine na nejavnoj sjednici održanoj dana 07.09.2022. godine donio je ovo

**R J E Š E N J E**

**Žalba se odbacuje kao neblagovremena.**

**O b r a z l o Ź e n j e**

Odlukom Centralne izborne komisije Bosne i Hercegovine, broj: 06-1-07-1-608-3/22 od 04.08.2022. godine, odbijen je zahtjev Sadika Bešića za upis u izvod Centralnog biračkog spiska za glasanje izvan BiH, zbog neispunjavanja uslova iz člana 3.15 stav 1) i 2) i 3) Izbornog zakona BiH.

Protiv ove odluke žalitelj je izjavio žalbu osporavajući pobijanu odluku CIK BiH u cjelosti. Predlaže da se žalba uvaži i omogući mu se učestvovanje u izborima, jer mu se potkrala greška tokom pisanja, a ispravna je adresa stanovanja ona koja stoji na dokumentu o prebivalištu, te u prilogu dostavlja kopiju identifikacionog dokumenta i potvrdu o mjestu boravka.

Centralna izborna komisija Bosne i Hercegovine je u odgovoru na žalbu predložila da se žalba odbaci kao neblagovremena.

Žalba je neblagovremena.

Odredbom člana 6.9. stav 1. i 2. Izbornog zakona Bosne i Hercegovine („Sl.glasnik BiH“ broj 23/01, 7/02, 9/02, 20/02, 25/02, 4704, 20/04, 25705, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22 i 51/22) je propisano da se žalba na odluke Centralne izborne komisije Bosne i Hercegovine podnosi Apelacionom odjeljenju Suda Bosne i Hercegovine, putem Centralne izborne komisije Bosne i Hercegovine, u roku od dva dana od dana

prijema odluke. Članom 13. Uputstva o procedurama za rješavanje po prigovorima i žalbama podnesenim Centralnoj izbornoj komisiji BiH i izbornim komisijama („Službeni glasnik BiH“, broj 27/22), propisano je da odluke koje donosi Centralna izborna komisija BiH po prigovorima u prvostepenom postupku iz člana 6. stav (1) i (2) ovog Uputstva i drugostepenom postupku iz Poglavlja ovog uputstva se objavljuju na internet stranici Centralne izborne komisije BiH vodeći računa o principima zaštite ličnih podataka, u skladu sa Zakonom o zaštiti ličnih podataka.

U konkretnom slučaju, uvidom u spis predmeta apelaciono vijeće ovog Suda je utvrdilo da je gore navedena odluka CIK-a BiH objavljena na web stranici CIK-a BiH, dana 04.08.2022.godine i da je u pravnoj pouci navedeno da se protiv ove odluke, u skladu sa članom 6. tačka 9 stav 1) i 2) Izbornog zakona BiH može podnijeti žalba Apelacionom odjelu Suda BiH u roku od 2 dana od dana objave odluke na web stranici CIK-a. Iz stanja spisa nadalje proizilazi da je žalitelj podnio žalbu dana 25.08.2022.godine, dakle nakon isteka utvrđenog roka za podnošenje žalbi.

Kod ovakvog utvrđenja ovo vijeće nije posebno cijenilo ostale žalbene navode, obzirom da nisu od uticaja na drugačije rješavanje.

Obzirom da je navedeni rok do kojeg je žalitelj bio dužne podnijeti prijavu za glasanje izvan BiH prekluzivne prirode to je, imajući u vidu navedene relevantne odredbe Izbornog zakona BiH („Službeni glasnik BiH“, broj 23/01 do 51/22), Sud je utvrdio da je odluka CIK-e BiH pravilna i zakonita.

Iz navedenih razloga vijeće Apelacionog odjeljenja ovog suda nalazi da je žalba neblagovremena, pa je istu analognom primjenom člana 52. stav 1. Zakona o upravnim sporovima Bosne i Hercegovine („Službeni glasnik BiH“, broj: 19/02, 88/07, 83/08 i 74/10), valjalo odbaciti.

**PREDSJEDNIK VIJEĆA  
S U D I J A**

**Dinka Bešlagić Čovrk**